

Laugarren aldizkoak izan dira aurtengoak

# CIEMENen IV Ihardunaldiak, Cuixan

**JAKIN** aldizkariaren hamaikagarren alean, orain dela hilabete bat Cuixan. (Ipar Katalunia) ospatu ziren CIEMENen IV Ihardunaldien berri ematen digu Paulo Agirrebaltzategik. Katalan, friuldar, valdostano, waloniar, korsikar, euskaldun etabar elkartu ziren IV Ihardunaldi hauetan eta "Naziotasuna" izan zen ihardunaldiotako gai nagusi. Gaiaren garrantziaz jabeturik, gure irakurleei eskaintzen ogu Agirrebaltzategiren lan hau Ihardunaldien berri izan dezan.

Abuztuaren 16tik 23ra egin ditu CIEMENek (Gutxiengo Etniko eta Nazionalen aldeko Escarré Institutuak) bere urteroko Ihardunaldiak. Laugarren aldizkoak izan dira aurtengoak. Eta, orain artekoak bezala, Cuixa-n (Ipar Katalunian) ospatu dira.

Bestelako ekintza garrantzizkoak aurrera eramán izan ditu CIEMEN-ek: Gutxiengo Nazionalen Zinemaren astealdia (Val d'Aostan), Nazionalitateen kantaldia (Mallorca-n), Gutxiengo etnikoei buruzko Ihardunaldi italo-katalanak (Bartzelonan), etab. aipatzekoak dira aurtén. Baina bereziki aipatzekoa da Fiereze-n eratu duén Miroren erakustaldia: lau hilabetez iraun du; eta erakustaldiaren inguru-

n. Kultura katalanaren beste hainbat arlo aurkeztu ahal izan dira: kanta, dantza, hitzaldiak, etab. Arrakasta handia izan du guzti honek Firenze-n. Nabarmentzekoak dira CIEMEN-ek ematen dituen argitalpenak ere: bereziki, CIEMEN izeneko aldizkaria (hiruhilabetekaria) eta "Nationalia" liburu saila. Argitaratu berria du, hain zuzen ere, sail honen laugarren liburukia, ihazko udako Ihardunaldietako hitzaldiak biltzen dituen: "Zenbait Estatu ezberdineko Autonomi moduak". Pais Valenciá, Catalunya Principat, Illes Balears, Euskadi, Friül, Wales, Wallonie, Jura, Jugoslaviako Errepublikak, Quebec: guzti hauek dute kapitulu bana. Katalana, gaztelania, ingelesa, italiera eta frantsesa erabili dira liburu honetan, hizkuntza bezala.

## "Naziotasuna: Hizkuntza, lurraldea, migrazioak"

Aurtengo Ihardunaldietako gaia zera izan da: "Naziotasuna: Hizkuntza, lurraldea, migrazioak". Nazio(nalitate) hauetatik aurkeztu da arazoa: Flandres, Euskal He-

## ● Datorren urtean, euskal artisten, euskal kulturaren eta Euskal Herriaren inguruko erakustaldi bat zabalduko da Firenze-n.

rria, Britania, Okzitania, Paisos Catalans, Galizia, Pais Valenciá, Partehartzaileetatik, gehienak katalanak izan dira, baina ba ziren friularrak, Valdostanoak, waloniarak, Korsikarrak, etab. ere.

Herri bakoitzak bere egun berezia izan zuen; baita Euskal Herriak ere. Joan Mari Torrealdaiy aurkeztu zuen gaia, batez ere soziologiaren aldetik begiraturaz. Datu ugari ere eman zuen, gaiaren hiru alderdiak (hizkuntza, lurralde, emigratio-inmigrazioak) argitzeko: Hizlariak gainera, Paulo Agirrebaltzategik ere parte hartu zuen astealdi osoan. Euskal Herriaren egunean bereziki parte hartu zuen Luis Nuñez-ek. Jokin Apalategi eta Maite Idirin ere egun batez han izan ziren. Euskaldunen partehartzea nahiko egokia izan da aurtén; ba zen besterik ere, hara nahi zuenik; baina azken unean ezinezkoa gertatu zaie nonbait.

Aurtengo gaia oso zabala zen. Eta hizlari gehienek alderdi bat bakaraz azaldu zuten: hizkuntzarena batez ere. Emigratio-inmigrazioen

arazoa batez ere oso albotik ikutu zuten ia denek, edota inola ere ikutu gabe utzi zuten. Euskal Herriko azalpenak sakondu zuen gehien alderdi hau.

Ikuspegi eta metodo aldetik ere oso ezberdinak izan ziren azalpenak: batzu historikoak, beste batzu soziologikoak, besteren bat gogoeta literariotan luzatu zen gehienbat, datuak eman beharrean. Alde honetatik ere sakabanatze handiegia izan zen.

Egun bakoitzean, zegokion Herriari buruz elkarrizketa luzeak izaten ziren; eta beste herrietako guztiek parte hartzen zuten. Hala ere, gaiaren aldetiko eta azalpenen aldetiko sakabanatze horregatik, herri ezberdinetako egoera-dinamikak elkarrekin alderatzeko aukera txikia izan zen.

## Herri zapalduen arteko koordinazio beharra

Akats hauek eta guzti, Ihardunaldiak oso interesgarriak gertatu dira, Nazio ukatuen egoera-dinamikak ezagutzeko, hor lanean dabilen hainbat lagun eta militanterekin harremanak egiteko eta etorkizunean elkarrekiko lana abiatzeko.

Hain zuzen ere, Ihardunaldien ekikortasuna edo operatibitatea da lagun askoren kezkarik nagusia. Elkarren egoera-dinamikak ezagutzetik, arazoan ezagutza hartetik, Herri zapalduen arteko koordinazio eta elkarlanari heldu beharra dagoela ikusten: Kultura mailan eta politika mailan bereziki. Horretarako aurrera doazen proiektu batzu azaldu ere egin ziren.

Kezka horiek bultzaturik, CIEMENek berak ere, gai horixe aukeratu du datorren udako Ihardunaldietarako: "Herri (nazio) ukatuen arteko elkarlan bideak" halégia.

Bukatzeko, esan beharra dago, CIEMENen barruan Euskal Herriari buruz asmo garrantzizko bat da dela, datorren urteroko. Hau da, aurtén Miro-ren eta Kataluniaren inguruan egin den bezala, datorren urtean gauza beretsua antolatu nahi da Firenze-n Euskal Artisten, Euskal Kulturaren eta Euskal Herriaren inguruan.

PAULO AGIRREBALTZATEGI